

ZAPISNIK SA 19. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 23.02.2021. GODINE

Prisutni: Džemal Kahrica; Neda Tadić; Elvis Čengić; Ekrem Agić; Edis Fočo; Rifat Kukić; Sadin Kavazović; Dragan Miljević; Merima Kurtović Pašalić; Josip Sogović; Samir Gadžo; Mubera Herac Nihad Arnautović; Omer Bukić

Odsutni: Mensud Grbo ; Mustafa Baručija; Damir Smital - **opravdano**

Dnevni red:

1. Zapisnik sa 18. sjednice
2. Aktuelna situacija u BHRT-u
 - Izmjena sistematizacije
3. Skupština
 - Izvještaj o radu UO za 2020 godinu
 - Program rada Sindikata za 2021 godinu
4. Finansije
 - Izvještaj blagajnika (D. Karšić)
 - Adriatic
 - 8.mart
5. Pomoć
6. Razno

AD 1. Dž.Kahrica je na osnovu člana 35. Statuta Samostalnog sindikata radnika u BHRT-u, u 12.35. sati otvorio 19. sjednicu UO SSR u BHRT-u Dnevni red je jednoglasno usvojen kao i zapisnik sa 18 redovne sjednice UO sindikata.

AD 2. Dž.Kahrica je informisao sindikat da je 09.02.2020. godine održan sastanak sa generalnim direktorom I pomoćnikom za razvoj na kojem su prisutni bili N.Tadić, Dž.Kahrica I E.Čengić. Sindikat je dobio informaciju da je zdravstveno osiguranje plaćeno do decembra 2020.godine dok je PIO uplaćen do jula prošle godine.

U mjesecu januaru nije evidentiran ni pad ni rast naplate RTV takes obzirom da se električna energija uplaćuje preko BH Pošte. U narednim mjesecima će se znati kakva je naplativost obzirom da je januar mjesec koji se u analizama dosadšnjim pokazao kao mjesec sa najmanjom naplatom takes. UO BHRT-a je u tehničkom mandatu i čeka se imenovanje vijeća RAK-a.

HTZ oprema se djeli po sektorima i svi će dobiti u skladu sa pravilnikom a kako je i dogovoreno

Menadžment nema ništa protiv da se u realizaciju rekonstrukcije ploče ubijenim radnicima uključe i druga dva sindikata iz RTV Doma a delegirana je A.Bučo-scenograf ispred menadžmenta a E.Čengić za cijelu realizaciju.

Završena je inventura I čišćenje restorana I u narednom period će se raspisati javni konkurs. Snekovci su otvoreni sa kafe aparatima kao prelazno tješjenje što je već bilo i dogovoreno. Postavljeno je pitanje problema alkoholizma i menadžment je tražio da se dostave imena uposlenika koji krše akte BHRT-a.

D.Miljević je postavio pitanje ukidanja rada u timovima. Nakon kraće rasprave, dogovoreno je da D.Miljević obavi konsultacije sa IT Centrima i dostavi sindikatu upit Podružnice IT Centara u vezi ovog problema kako bi se isti mogao postaviti na prvom sljedećem sastanku sa menadžmentom.

Dž.Kahrica je upoznao UO da je pripremljen odgovor sindikata na prijedlog izmjene sistematizacije.

E.Čengić je istakao da je Podružnica Produkcije održala sastanak na kojem su doneseni prijedlozi za UO sindikata I za koje traži da se unesu u zapisnik. Podružnica RTV Produkcije odbacuje bilo kakvo pojedinačno mjenjanje sistematizacije radnih mjesta i zahtjeva pregovore u vezi prijedloga kolektivnog ugovora. Traži se vraćanje boda najniže cijene rada od februara 2020.godine odnosno 258,21KM.

Obzirom da su u dogovoru formiranje timova za posebne oblasti iz prijedloga Kolektivnog ugovora, za pregovarački tim sindikata u vezi službenog puta predložimo Josipa Sogovića i Samira Gadžu. Podružnica RTV Produkcije zahtjeva da se poštuju odluka generalnog direktora 30.09.2016.godine, broj 101-1346/16 u kojoj se jasno utvrđuje da je producent programa/projekta odgovorno lice za sve aspekte realizacije programskih sadržaja van sjedišta BHRT-a. Tačka 3,alineja 1 iz ovog ugovora jasno definiše da je producent neposredni rukovodilac na terenu i ima pravo odstraniti svakog člana ekipe koje ne radi i ne ponaša se u skladu sa internim aktima BHRT-a. Također tražimo da se problemi koji se javljaju u sjedištu BHRT-a rješe u skladu sa aktima BHRT-a i zakonima BiH. Uposlenici nisu dužni i neće anonimno prijavljivati ali će uvijek ukazivati na kršenje pojedinaca odgovornim licima koji imaju veliku odgovornost za koju su dobro i plaćeni. Podružnica RTV Produkcije predlaže da se za 8.mart za članice sindikata izdvoji po 30KM.

Dž.Kahrica je istakao da u pregovore sa menadžmentom u vezi kolektivnog ugovora a u skladu sa programom rada koji je usvojila skupština, pregovara rukovodstvo sindikata. Dž.Kahrica je istakao da je E.Čengić bio protiv kolektivnog pregovaranja kada je menadžment obavjestio sindikat da neće pregovarati o finansijskom djelu ugovora.

E.Čengić je istakao da je prijedlog RTV Produkcije da se uključe ljudi koji su non stop na terenu i ništa loše nije u tom prijedlogu bez obzira na odluku skupštine.

N.Tadić je pročitala prijedlog teksta mišljenja sindikata za izmjenu sistematizacije a koje je pripremio rukovodstvo sindikata (D.Smital, N.Tadić i Dž.Kahrica). E.Čengić ke podržao ovaj prijedlog uz inicijativu da se isti ukoliko se usvoji na UO sindikata pošalje svim podružnicama i objavi na oglasnoj ploči. Prijedlog teksta Mišljenja o prijedlogu izmjene sistematizacije je jednoglasno usvojen. UO sindikata je jednoglasno usvojio i prijedlog E.Čengića da se mišljenje sindikata dostavi svim podružnicama I da se objavi na oglasnoj ploči u RTV Domu.

AD 3. UO sindikata je jednoglasno usvojio Odluku o izvještaju o radu Upravnog odbora SSR u BHRT-u za 2020. Godinu. Izvještaj o radu UO pripremio je izvršni sekretar.

UO sindikata je jednoglasno usvojio Odluku o prijedlogu Programa rada SSR u BHRT-u za 2021. Godinu. Program rada za 2021.godinu pripremio je predsjednik sindikata.

Dž.Kahrica je zamolio sve povjerenike/predstavnike podružnica da spisak delegate za skupštinu sindikata dostave izvršnom sekretaru do 20.03.2021.godine.

AD 4. Blagajnički izvještaj D.Karšić za januar 2021. godine je primljen k znanju.

- M.Herac je izvjestila UO sindikata da je za mjesec januar povrat od Adriatic osiguranja iznosi 127,42 KM.

- Dž.Kahrica je dao na glasanje prijedlog odluke Podružnice RTV Produkcije da se za članice sindikata za 8.mart izdvoji po 30 KM poklon bon DM-a. M.Herac je predložila iznos od 40 KM.

UO je usvojio prijedlog odluke Podružnice RTV Produkcije sa 12 glasova za, 1 protiv, 1 suzdržan.

Prijedlog M.Hera nije usvojen i glasalo je 3 za, 5 protiv, 4 suzdržan.

- Neda Tadić je podnijela izvještaj o ukupnom utrošku sredstava za kupovinu medicinske opreme u iznosu od 100,00 KM. UO Sindikata je jednoglasno usvojio Odluku o utrošku sredstava za kupovinu medicinske opreme za ambulantu u RTV domu u iznosu od 100,00 KM.

- Mubera Herac je podnijela izvještaj o ukupnom utrošku sredstava za kupovinu poklona uposlenicama ambulante u RTV domu u iznosu od 69,00 KM. UO Sindikata je jednoglasno usvojio Odluku o utrošku sredstava za kupovinu poklona uposlenicama ambulante u RTV domu u iznosu od 69,00 KM.

Dž.Kahrica je upoznao UO da je održan je sastanak sa predstavnicima Sindikalne organizacije BHRT-a Samostalnog sindikata RTVFBIH u skladu sa zaključkom sa 18.sjednice UO. Oba sindikata su za rekonstrukciju ploče i predložili su da se pošalje upit direktorima Federalne TV kao i direktorici TVSa za učešće u realizaciji ovog projekta obzirom na rad u RTV Domu. Nakon kraće rasprave dogovoreno je da E.Čengić nakon što dobije predračun od izvodjača pošalje dopis menadžmentima RTVFBIH I TVSa.

Kada je u pitanju ambulanta u RTV Domu, sindikat Federalne TV podržava prijedlog kupovine materijala za ambulantu dok je N.Husić rekao da će javiti našem sindikatu dok se održi sastanak UO Sindikalne organizacije BHRT.

E.Čengić i Dž.Kahrica su održali kratki sastanak sa A.Bučo u vezi idejnog rješenja za memorijalnu ploču.

AD 5. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec januar 2021.godine dobiju sljedeći članovi: Garić Dejan 500KM (II dio), Džindo Jusuf 500KM (II dio), Hodžić Nermin 200KM (II dio), Medić Ivana 400KM, Srna Sabina 300KM. Ukupno 1900,00KM.

Za rođenje djeteta poklon bon u iznosu od 200KM komisija je predložila Teletović Arnesa.

Prijedlog odluke komisije je usvojen sa 13 glasova za, jedan član UO nije glasao.

AD 6. R.Kukić postavio upit angažovanja ljudi penzionera koji nastavljaju raditi na ugovor o djelu. Nakon kraće rasprave, zaključak je da se o ovom pitanju postavi upit menadžmentu na sljedećem sastanku.

Dž.Kahrica je zaključio 19.sjednicu UO Sindikata u 13.47.sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Potpredsjednik
SAMOSTALNOG SINDIKATA
RADNIKA U BHRT-u
Džemal Kahrica